

Ingerlatseqatigiiffimmik pitsaasumik
aqutsinissamut Innersuussutit pillugit
nassuiaatinut skema

*Grønlands***BANKEN**

Nassuiaatinut skema – januar 2021-imeersoq



”Maliguk imaluunniit nassuiarlugu”

Ukiumoortumik naatsorsuutit pillugit inatsimmi § 107 b naapertorlugu, ingerlatseqatigiiffik, niuerfimmi malittarisassaqtumi niuernissamut aktiaateqarfiusumi, aqutsisut nalunaarutaanni suliffeqarfiup aqunneqarnera pillugu nassuiaammik ilanngussisassaaq.

Tamanna isumaqarpoq, GrønlandsBANKEN-ip nalunaarutigisassagaa, innersuussutit sorliit ingerlatseqatigiiffiup malissallugit imaluunniit saneqqutissallugit toqqarsimanerai. Ingerlatseqatigiiffiit nassuiaataat innersuussutinut tamanut immikkut oqaaseqaertassaaq, innersuussut malinneqarnera imaluunniit malinneqannginnera apeqquataatinnagu.

Ukiumoortumik naatsorsuutit pillugit inatsimmi § 107 b, imm. 1, nr. 3-mi allassimavoq, GrønlandsBANKEN-ip aningaaseriviup innersuussutit malissanagit aalajangersimaguni pissutaasut allattassagai. GrønlandsBANKEN-ip paasissutissiisutigissavaa, innersuussut pineqartoq sooq malinneqannginnera, taarsiullugulu qanoq aaqqiisoqarsimangersoq.

Tamanna isumaqarpoq, aningaaseriviup innersuussut malingippagu, nassuiarluguli taarsiullugu sooq qanorlu aningaaserivik aaqqiisimangersoq, taava ingerlatseqatigiiffik innersuussummik eqqortitsisutut isigineqartarmat.

Nassuiaatip ersersissavaa piffissami naatsorsuusiorkarfiusumi aqutseriaaseq atuuttoq. Ukiup ingerlanerani imaluunniit piffissami naatsorsuutit naammassineqarnerini annertuumik allannguuteqartoqarpat, ingerlatseqatigiiffimmik pitsaasumik aqutsinissaq pillugu nassuiaammi nassuiarneqartariaqarput.

Pingaaruteqarpoq, aningaaseriviup innersuussutit tamarluinnaasa oqaaseqarfiginissai kiisalu nalunaarusiornissai, taamaasilluni aningaasaliisussanut allanullu soqutigisaqartunut erseqqissammat, aningaaserivik innersuussutinut ataasiakkaanut qanoq isummersimangersoq.

Nassuiaammi pineqarpoq piffissaq naatsorsuusiorfiusoq **01.01.2021-mit 31.12.2021-mut**

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
1. Ingerlatseqatigiiffimmi aktiaatillit, aningaasaliisartut aamma soqutigisallit allat sunniivigeqatiginerat			
1.1. Aktiaatilinnik, aningaasaliisartunik soqutigisalinnillu allanik oqaloqateqarneq			
1.1.1. Ataatsimiititaliap innersuussutigaa, aqutsisut aktiaatilinnut, aningaasaliisartunut allanullu soqutigisalinnut ingerlaavartumik oqaloqateqartarnikkut ingerlatseqatigiiffimmi pissutsinik naleqquttumik paasisasaqarnissaat qulakkiissagaat, kiisalu siulersuisut sulinerminnut ilisimasaqarnissaat isummaminnillu ilanngussisarnissaat periarfissaassasoq.	Aningaaserivimmi aktiaatilinnut atortussat GrønlandsBANKEN-ip nittartagaani nassaarineqarsinnaapput. Tamatuma saniatigut Qullersaqarfiup aktiaatillit saaffiginnissutaat tigummivai. 2020-mi aningaasaliisunut portali atulerpoq.		
1.1.2. Ataatsimiititaliap innersuussutigaa, ingerlatseqatigiiffik aktiaatilinnut, aningaasaliisartunut immaqalu allanut soqutigisalinnut atassuteqarnermut politikkinik suliaqassasoq, tamatumani qulakkearniarlugu, soqutigisat assigiinngitsut ingerlatseqatigiiffiup	Periusissiatut pilersaarut aningaaseriviuq soqutigisalinnut atassuteqarneranut najoqqutassaavoq. Tamatuma		

¹ Innersuussut malinneqanngippat, ingerlatseqatigiiffiup nassuiassavaa, *sooq* innersuussuut malinneqannginnersoq, *qanorlu* ingerlatseqatigiiffik allatut aqqiisimanersoq. Nassuiaat naammaginarpoq apeqqutinik tamanik akisissaaq, akissullu innersuusummik eqquutsitsisutut inissiissalluni. Taamaattumik pingaaruteqarpoq, ingerlatseqatigiiffip nassuiaanermi apeqqutit tamaasa akissagai.

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
isumaliutersuutaanni ilaassasut, politikkillu taamaattut ingerlatseqatigiiffiup nittartagaani tigoraaannangorneqassasut.	saniaatigut attaveqatigiinnermut periusissiamik aamma aningaasaliisartunut atassuteqarnermut politikkimik kiisalu CSR pillugu politikkimik akuersissuteqartoqarnikuvoq, aningaaseriviup aningaasaliisartuinik soqutigisalinnillu allanik peqataatitsisunik.		
1.1.3. Ataatsimiititaliap innersuussutigaa, ingerlatseqatigiiffik kvartalikkaartumik nalunaarutininik saqqummiussisassasoq.	Aningaaserivik aningaaserinermit ullorsituni malillugit kvartalikkaartumik nalunaarutininik saqqummiussisarpoq.		
1.2. Ileqquusumik ataatsimeersuarneq			
1.2.1. Ataatsimiititaliap innersuussutigaa, siulersuisut ingerlatseqatigiiffiup ileqquusumik ataatsimeersuarnera ima aqqissuuttassagaat, aktiaatillit, ileqquusumik ataatsimeersuarnermi takkullutik peqataasinnaangitsut imaluunniit sinniisoqarsinnaangitsut, ileqquusumik ataatsimeersuarneq sioqqullugu imaluunniit ileqquusumik ataatsimeersuarnermi taasisinnaangorlugit imaluunniit aqutsisunut apeqquteqarsinnaangorlugit. Ataatsimiititaliap innersuussutigaa, siulersuisut qulakkiissagaat ileqquusumik ataatsimeersuarnermut webcast imaluunniit digitaliusumik allatut nassitsisarneq alla atorlugu aktiaatillit malinnaasinnaaissaat.	Aningaaserivik aningaasaliisartunut portalimik pilersitsinikuvoq 2021-lu aallarnerfigalugu ileqquusumik ataatsimeersuarnermut malinnaasoqarsinnaavoq.		

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
<p>1.2.2. Ataatsimiititaliap innersuussutigaa, aktiaatillit pisinnaatitsissutitigut imaluunniit allakkatigut taasinikkut ileqquusumik ataatsimeersuarnermut atorneqartutigut ullormi oqaluuserisassani immikkoortut tamarluinnaasa isummerigisinnaassagaat.</p>	<p>Aktiaatillit aningaaseriviup piginnaatitsinermit allakkiaani ullormi oqaluuserisassani immikkoortut tamarluinnaasa isummerfigisinnaavaat.</p>		
1.3. Tigusinissamut misiliineq			
<p>1.3.1. Ataatsimiititaliap innersuussutigaa, ngerlatseqatigiiffik tigusinissamut misiliinernut upalungaarsimanermit ingerlariuseqassasoq, tigusinissamut neqeroorummik saqqummiussisoqarpat, imaluunniit siulersuisut tunngavilersukkamik ilimagippassuk tigusinissamut neqeroorummik saqqummiussisoqassasoq pissutsinut "ingerlaasissatut pilersaarummik" siulersuisut isumaliutigisassaannik isummerfigisassaannillu imaqartumik. Tamatuma saniatigut innersuussutigineqarpoq, ingerlariussami ersersinneqassasoq, siulersuisut ileqquusumik ataatsimeersuarnermi akuerineqanngitsumik, tigusinissamut misiliinermik, aktiaatillit tigusinissamut neqeroorummut isummernissaannut akornusiinarfiusumik aalajangiinernik akuersiniartoqassanngitsoq.</p>	<p>Tigusinissamut misiliinerit aktiaatilinnut saqqummiunneqassapput. Siulersuisut najoqqutassiatut imarisanik ilisimatinneqassapput kiisalu neqeroorutip imaresai apequtaallutik aningaaserivik avataani siunnersortink ujartuissaaq. Siulersuisut ileqquusumik ataatsimeersuarnermi akuersissutigineqartinnagu tigusinissamut misiliineq akuersissutiginiassanngilaat.</p>		
1.4. Inuiaqatigiinnut eqqarisanut atassuteqarneq			
<p>1.4.1. Ataatsimiititaliap innersuussutigaa, ingerlatseqatigiiffiup inuiaqatigiinnut akisussaaffeqarnera pillugu politikkimik siulersuisut akuersissuteqassasut, matuma ataani inuiaqatigiinnut akisussaaffeqarnermut aamma piujuartitsinermit, kiisalu politikki aqutsisut nalunaarutaanni aamma/imaluunniit ingerlatseqatigiiffiup nittartagaani pissarsiarineqarsinnaassasoq. Ataatsimiititaliap</p>	<p>GrønlandsBANKEN inuiaqatigiinnut akisussaassuseqarneq pillugu politikkimik (CSR) pilersitsinikuuvoq, taanna aqutsisut nalunaarutaanni</p>		

Innersuussut				Ingerlatseqatigiiffiup <u>malippaa</u>			Ingerlatseqatigiiffiup <u>nassuiarppaa</u> ¹	
							<i>sooq</i>	<i>Qanoq</i>
innersuussutigaa,	siulersuisut	nakkutigissagaat	politikki	qupperneq	32	ff-imi		
malinneqarnersoq.				nassuiarneqarpoq.				
<p>1.4.2. Ataatsimiititaliap innersuussutigaa, siulersuisut akileraartarnermut politikkimik akuersissuteqassasut, ingerlatseqatigiiffiup nittartagaani pissarsiarineqarsinnaasussamik.</p>							<p>Aningaaseriviup Kalaallit Nunaanni akileraartarnermut inatsit tunngavigalugu nalilerppaa akileraartarnermut politikkimik pisariaqartitsisoqanngitsoq.</p>	<p>GrønlandsBANKEN akileraartarnikkut teknikkikkut aaqqissuussaanernut peqataanngilaq imaluunniit Kalaallit Nunaanni akileraartarnermut arlaannaatigulluunniit ingalassimatitsiniarsarinani. GrønlandsBANKEN-ip neqeroorutigai aningaaseriviup sullissineri nalinginnaasut, sullitat akileraarnissamut ingalassimatitsinissaannut immikkut ilisarnaateqanngitsut. Aningaaserivik inuinnarnut banking pillugu siunnersuinermik neqerooruteqanngilaq. GrønlandsBANKEN DAC 6 pillugu malittarisassanut ilaavoq, aaqqissuussinernut killissamik qaangiisunut akerliunermik tunngasumut</p>
2. Siulersuisut suliassat akisussaaffiilu								
2.1 Suliassat akisussaaffillu pingaarnerit								

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
<p>2.1.1. Ataatsimiititaliap innersuussutigaa, siulersuisut, ingerlatseqatigiiffiup ileqqoreqqusatigut siunertanik kiisalu siunissaq ungasinnerusoq eqqarsaatigalugu naleqartunik pilersitsinissamik tapersersuinermit atatillugu, ingerlatseqatigiiffiup siunertaanut isummissasut kiisalu ingerlatseqatigiiffimmi kulturimik pitsaasumik pingaartitanillu pitsaasunik qulakkeerinnissasut siuarsaassasullu. Ingerlatseqatigiiffik tamanna pillugu aqutsisut nalunaarutaanni aamma/imaluunniit ingerlatseqatigiiffiup nittartagaani nassuiaasariaqarpoq.</p>	<p>Siulersuisut ilaatigut aningaaserivimmut periusissiamik aamma niuernermit ilusiliamik akuersissuteqartarput, aningaaseriviup siunertaanik, takorluugaanik pingaartitaanillu kiisalu suliffeqarfimmi peqqinnartumik kultureqarneq pillugu politikkimik tunngaveqartunik. Aningaaserivimmi aqutsisut nalunaarutaanni nassuiarneqarput aningaaseriviup siunissaq ungasinnerusoq eqqarsaatigalugu naleqartunik pilersitsinissaq pillugu siuarsaanissamut ilungersuutai aamma aningaaseriviup naleqartitai, piujuartitsinera, CSR-imi suliniutai kiisalu aningaaseriviup inuiaqatigiinnut akisussaaqataanera.</p>		
<p>2.1.2. Ataatsimiititaliap innersuussutigaa, siulersuisut ikinnerpaamik ukiumut ataasiarlutik oqallisigisassagaat ingerlaavartumillu malittareqqittassagaat ingerlatseqatigiiffiup periusissiami anguniagai pingaarnert, ingerlatseqatigiiffimmi naleqartumik pilersitsinissaq qulakkeerniarlugu.</p>	<p>Aningaaseriviup periusissiaa niuermilu ilusiliaa minnerpaamik ukiumut ataasiarluni nalilersorneqartarput.</p>		

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
<p>2.1.3. Ataatsimiititaliap innersuussutigaa, siulersuisut ingerlaavartumik nakkutigisassagaat, ingerlatseqatigiiffik aningaasaqarnerup aamma aktiaatit ilusilersugaanerannik, periusissiamik siunissarlu ungasinnerusooq eqqarsaatigalugu naleqartunik pilersitsinissamik, ingerlatseqatigiiffimmut aktiaatilinnullu soqutigintartumik tapersuisunik peqarnerusooq. Ataatsimiititaliap innersuussutigaa, ingerlatseqatigiiffiup tamanna aqutsisut nalunaarutaanni nassuiartassagaat.</p>	<p>Aningaaseriviup aningaasaqarnerata ilusilersugaanera ukiut tamaasa nalilersorneqartarpoq, tamannalu pillugu isumaliutersuutit aqutsisut nalunaarutaanni ilaasarput.</p>		
<p>2.1.4. Ataatsimiititaliap innersuussutigaa, siulersuisut qullersaqarfimmut malittarisassanik suliaqassasut taakkulu ukiumoortumik misissortassagaat, matuma ataani siulersuisunut nalunaarusiornissamut piumasaqaatitaqartut.</p>	<p>Siulersuisuni pissutsit siulersuisut suliaanut malittarisassaani nassuiarneqarput, tamatumani piumasaqaataavoq § 70-imik maleruagassamik qullersaqarfimmut malittarisassanik nassuiaasumik suliaqarnissaq.</p>		
<p>2.2. Siulersuisunut ilaasortat</p>			
<p>2.2.1. Ataatsimiititaliap innersuussutigaa, siulersuisut siulittaasup saniatigut siulittaasumut tullersorteqassasut, siulittaasup pisinnaannginnerani taartaasinnaasumik allatigullu siulittaasumut qanimut siunersieueqataasinnaasumik.</p>	<p>GrønlandsBANKEN siulittaasumik siulittaasullu tullianik toqqaanikuupput.</p>		
<p>2.2.2. Ataatsimiititaliap innersuussutigaa, siulittaasup siulersuisunut ilaasortat ataasiakkaat suleqatigalugit qulakkiissagaa, ilaasortat pissutsit attuumassuteqartut pillugit ilisimasatik nutarsartarlugillu ilaartortassagaat, ilaasortallu immikkut ilisimasaat piginnaasaallu sapinngisamik pitsaanerpaamik atorneqassasut.</p>	<p>Siulersuisunut ilaasortat tamarmik siulersuisutut ilinniakkamik ingerlataqartarput. Tamatuma saniatigut siulersuisunut</p>		

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
	isumasioqatigiinnerit ukiut tamaasa ingerlanneqartarput. Siulersuisut aamma nassuiaatinut ilassutaasunut suliffeqarfiup iluani imaluunniit avataanit tapiissutaasunut malinnaasarput.		
2.2.3. Ataatsimiititaliap innersuussutigaa , siulersuisut qaqutiguuissumik siulersuisuni ilaasortaq ingerlatseqatigiiffimmi suliasanik immikkut itturnik suliaqaqquppassuk, assersuutigalugu piffissami sivikitsumi ulluinnarni aqutsinermut peqataaqullugu, siulersuisut, siulersuisut attuumassuteqanngitsumik qullersatut aqutsineq nakkutiginninnerlu attatiinnarneqarnissaa qulakkeerniarlugu akuserseqqaartariaqarput. Innersuussutigineqarpoq, siulersuisuni ilaasortap ulluinnarni aqutsinermi tamatumalu sivilissusissaa naatsorsuutigineqartoq pillugu aalajangiineq ingerlatseqatigiiffiup saqqummiutissagaa.	Siulersuisuni ilaasortat ileqquusumik ataatsimeersuarnermi toqqarneqartut ingerlatseqatigiiffimmi suliasanik immikkut itturnik suliaqarneq ajorput.		
3. Siulersuisut katitigaanerat, aqqissuussaaneq naliliinerlu			
3.1. Katitigaaneq			
3.1.1. Ataatsimiititaliap innersuussutigaa , siulersuisut ukiumoortumik misissortassagaat kiisalu aqutsisut nalunaarutaanni aamma/imaluunniit ingerlatseqatigiiffiup nittartagaani paasissutissiissutigisassagaat <ul style="list-style-type: none"> Siulersuisut sulinerminnik sapinngisamik pitsaanerpaamik sulinerminnik naamassinnissinnaassagunik ataatsimut inuttullu ataasiakkaatut piginnaasat suut pigisariaqarneraat, aamma 	Tamanna pillugu nassuiaat aningaaseriviup nittartagaani nassaaerineqarsinnaavoq.		

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
<ul style="list-style-type: none"> Siulersuisut katitigaanerat assigiinngisitaarnerallu. 			
<p>3.1.2. Ataatsimiititaliap innersuussutigaa, siulersuisut ukiumoortumik oqallisigisassagaat ingerlatseqatigiiffiup suliai, tamatumani qulakkeerniarlugu ingerlatseqatigiiffimmi aqutsisuni qaffasissutsini assigiinngisitaarneq naleqquttoq kiisalu assigiinngisitaarnermut politikkimik akuersissuteqassasut, aqutsisut nalunaarutaanni aamma/imaluunniit ingerlatseqatigiiffiup nittartagaani atuarneqarsinnaasut.</p>	<p>Siulersuisut siulersuisuni aamma aningaaseriviup aqutsisuini allani assigiinngisitaarnermut politikkinik pilersitsinikuupput. Tamanna aningaaserivimmi aqutsisut nalunaarutaanni nassuiarneqarpoq.</p>		
<p>3.1.3. Ataatsimiititaliap innersuussutigaa, siulersuisunut qinigassanik pissarsiniarnermi peqqissaartumik suleriuseq, siulersuisunit akuerineqartoq malissagaat. Ataatsimiititaliap innersuussutigaa, siulersuisunut ilaasortassatut qinigassanik naliliinermi – inuttut piginnaasat piukkunnaatillu saniatigut – aamma atajuarnissamut, nutaaliornissamut assigiinngisitaarnissamullu pisariaqartitsineq ilaassasoq.</p>	<p>Siulersuisunut qinigassanik pissarsiniarnermi suleriuseq aalajangersimasoq malinneqartarpoq.</p>		
<p>3.1.4. Ataatsimiititaliap innersuussutigaa, ileqquusumik ataatsimeersuarnernut qaaqquusissut, ullormi oqaluuserisassanut siulersuisunut qinersinissaq ilaappat, inatsisini paasissutissat aalajangersagaasut saniatigut qinigassanngortitat pillugit makku nassuiassagaat</p> <ul style="list-style-type: none"> piginnaasat, suliffeqarfinni inuussutissarsiormik ingerlatsisuni allani aqutsisuni atorfiit, aqutsisuni ataatsimiititaliat ilanngullugit, aaqqissuussinermi suliat piumasaqaateqarfiusut aamma attuumassuteqannginneq. 	<p>Ileqquusumik ataatsimeersuarnermi qinersinermi qinigassat innersuunneqartarput CV paasissutissanik nassuiarneqartunik imalik tunngavigalugu innersuussisoqartarpoq.</p>		

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarppaa</u> ¹	
		<i>sooq</i>	<i>Qanoq</i>
<p>3.1.5. Ataatsimiititaliap innersuussutigaa, siulersuisunut ilaasortat ileqquusumik ataatsimeersuarnermi toqqarneqartut ukiut tamaasa ileqquusumik ataatsimeersuarnermi qinigassanngortittassasut, taakkulu immikkut qinigassanngortillutillu toqqarneqartassasut.</p>		<p>Aningaaserivimmi ileqqoreqqusani piumasaqaataavoq aningaaserivimmi siulersuisut ileqquusumik ataatsimeersuarnermi toqqarneqarsimasut affaanik ukiut tamaasa toqqaasoqartassasoq.</p>	<p>GrønlandsBANKEN ukiut tamaasa siulersuisunut qinersisarpoq, taamaasillutik siulersuisunut ilaasortat ileqquusumik ataatsimeersuarnermi qinerneqarsimasut affai qinigassanngortinneqartarput. Tamatumani eqqarsaatigineqarpoq atajuaannarnissap qulakkeerneqarnissaani kiisalu siulersuisuni nutarsaanissamut periarfissaqarnermi oqimaaqatigiisitsineq.</p>
3.2. Siulersuisut attuumassuteqannginnerat			
<p>3.2.1. Ataatsimiititaliap innersuussutigaa, siulersuisuni ilaasortat ileqquusumik ataatsimeersuarnermi toqqarneqartut minnerpaamik affai attuumassuteqassanngitsut, taamaasillutik siulersuisut immikkut soqutigisat attuumassuteqarfiginagit iliuuseqartarsinnaassammata.</p> <p>Attuumassuteqannginnissamut pineqartoq:</p> <ul style="list-style-type: none"> ilaasortaq ingerlatseqatigiiffimmi, ingerlatseqatigiiffiup aquaani imaluunniit ingerlatseqatigiiffimmi attuumassuteqarfigisami qullersaqarfimmi ilaasortaassanngilaq imaluunniit aqutsisuni sulisuassanngilaq imaluunniit ukiut tallimat kingullit taama inissisimasimassanani, 	<p>Siulersuisunut ilaasortat ileqquusumik ataatsimeersuarnermi toqqarneqartut affai sinnerlugit attuumassuteqannginnissamut piumasaqaatinik naammassinnipput.</p> <p>Aningaaseriviup ukiumoortumik nalunaarutaani allassimavoq siulersuisuni ilaasortat ileqquusumik ataatsimeersuarnermi</p>		

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarppaa</u> ¹	
		<i>sooq</i>	<i>Qanoq</i>
<ul style="list-style-type: none"> • ukiut 5 kingulliit iluani ingerlatseqatigiiffimmit/suliffeqarfissuarmit, ingerlatseqatigiiffiup aqutaanit imaluunniit ingerlatseqatigiiffimmi attuumassuteqarfiusumi siulersuisunut ilaasortatuunngitsoq allatut pissutsitigut annertunerusunik akissarsisimassanngilaq, • aktiaatilmmut aqutsisuusumut sinniisuussanngilaq imaluunniit attuumassuteqassanngilaq, • ukiup ataatsip iluani ingerlatseqatigiiffimmut, ingerlatseqatigiiffiup aqutaanut imaluunniit ingerlatseqatigiiffimmut attuumassuteqartumut, ingerlatseqatigiiffimmut aamma/imaluunniit niuernermit attuumassuteqartumut pingaarutilimmut niuernikkut attuumassuteqarsimassanngilaq (assersuutigalugu inuttut imaluunniit toqqaannanngitsumik suleqataasutut imaluunniit sulisutut, aktiaatilitut, sullitatut, pisiortorfittut imaluunniit assigusumik attuumassuteqartuni ingerlatseqatigiiffinni aqutsisuni ilaasortatut, • ingerlatseqatigiiffimmi ingerlatseqatigiiffiup kukkunersiuisumi ileqquusumik ataatsimeersuarnermi toqqagaani atorfeqartuussanngilaq imaluunniit suleqataassanngilaq imaluunniit ukiut 3 kingullerni atorfeqarsimanani suleqataasimananilu, • ingerlatseqatigiiffimmi, ingerlatseqatigiiffiup aqutsisuisa paarlagiiffianni pisortaassanngilaq, • ukiut 12-it sinnerlugit siulersuisunut ilaasortaasimassanngilaq, imaluunniit • inunnut attuumassuteqartunut ilaquuttatut qanigisarissanngilai, tak. qulaani tunngavilersuutit. 	<p>toqqarneqarsimasut sorliit attuumassuteqarnersut attuumassuteqannginnersullu. Siulersuisunut ilaasortanut ileqquusumik ataatsimeersuarnermi toqqarneqartunut nutaanut, ukiumoortumik nalunaarutip kingulliup kingorna toqqarneqarsimasunut, paasisutissat taamaattut ilaasortap CV-ani ileqquusumik ataatsimeersuarnermut qaaqqusummut ilaasumi saqqummiunneqartumi ilaassapput.</p>		

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
Siulersuisunut ilaasortaq qulaani tunngavilersuutinulluunniit ilaangikkaluarpas, siulersuisut tunngaviit allat tunngavigalugit aalajangersinnaavaat ilaasortaq attuumassuteqannginngitsoq.			
3.2.2. Ataatsimiititaliap innersuussutigaa, qullersaqarfimmi ilaasortat siulersuisunut ilaasortaassanngitsut, kiisalu qullersaqarfimmut ilaasortatut soraartoq toqqaannartumik siulersuisunut isissanngitsoq.	Aningaaserivimmi qullersaqarfimmi ilaasortat siulersuisunut ilaasortaangillat.		
3.3. Siulersuisunut ilaasortat aamma aqutsisuni atorfiit allat amerlassusaat			
3.3.1. Ataatsimiititaliap innersuussutigaa, siulersuisut kiisalu siulersuisunut ilaasortat ataasiakkaat tamarmik ukiumoortumik naliliinermut atatillugu nalilertassagaat, siulersuisuni sulinermt atatillugu piffissaq qanoq annertutigisoq atortariaqarnersoq, tak. innersuussut 3.5.1. Siunertaavoq, siulersuisuni ilaasortat ataasiakkaat ingerlatseqatigiiffimmi siulersuisutut atorfeqarnermi naammaginartumik naammassinissinnaanissamit atorfinnik amerlanerusunik tigusissanngitsut.	Ukiumoortumik nalilersuisoqartarpoq, kiisalu siulersuisuni sulinermt atatillugu piffissap atorneqartussa qanq nalilerneqartarluni.		
3.3.2. Ataatsimiititaliap innersuussutigaa, aqutsisut nalunaarutaat inatsimmi piumasaqaatit aalajangersagaasut saniatigut siulersuisuni ilaasortat ataasiakkaat pillugit paasissutissanik tulliuuttunik imaqqassasoq: <ul style="list-style-type: none"> • atorfik, ukiut aamma suaassuseq, • piginnaasat piukkunnaatillu ingerlatseqatigiiffimmut attuumassuteqartut, • attuumassuteqannginneq, • ukioq siulersuisunut ilaasortanngorfik, • ukioq maannakkut qinigaaffiup qaangiuffissaa, 	Paasissutissat taakku ukiumut naatsorsuutini oqaaseqaat 28-mi aamma 33-mi atuarneqarsinnaapput.		

Innersuussut	Ingerlatseqatigiiffiup <u>malippaa</u>		Ingerlatseqatigiiffiup <u>nassuiarpaa</u> ¹	
			<i>sooq</i>	<i>Qanoq</i>
<ul style="list-style-type: none"> • siulersuisuni ataatsimiititalianilu ataatsimiinnermut peqataaneq, • suliffeqarfinni inuussutissarsionermik ingerlatsisuni allani aqutsisuni atorfiit, aqutsisuni ataatsimiititaliat kiisalu aaqqissuussaanermi suliassat piumasaaqateqarfiusut ilanngullugit, aamma • ingerlatseqatigiiffimmi kiisalu ingerlatseqatigiiffiup suliffeqarfissuarmut atasuni ingerlatseqatigiiffinni ilaasortaasup aktiaatit, optionit, warrantsit assigisaallu pigisai, kiisalu ukiup naatsorsuusiorfiusup ingerlanerani pappialani nalilinni taaneqartuni ilaasortap pigisaani allannguutit. 				
3.4. Aqutsisuni ataatsimiititaliat				
<p>3.4.1. Ataatsimiititaliap innersuussutigaa, aqutsisut nalunaarutaanni aqutsisut nassuiassagaat:</p> <ul style="list-style-type: none"> • aqutsisuni ataatsimiititaliani sammisat pingaarnerit kiisalu ukiup ingerlanerani ataatsimiinnerit amerlassusaat, aamma • aqutsisuni ataatsimiititaliani ataasiakkaani ilaasortat, matuma ataani ataatsimiititaliami siulittaasoq ilaasortallu attuumassuteqannginnerat. <p>Tamatuma saniatigut innersuussutigineqarpoq, aqutsisuni ataatsimiititaliat suliassaasa nassuiarneri ingerlatseqatigiiffiup nittartagaani saquqmmiunneqassasut.</p>	Paasisutissat taakku aningaaseriviup aqutsisunut nalunaarutaanni kiisalu aningaaseriviup nittartagaani nassaarineqarsinnaapput.			
<p>3.4.2. Ataatsimiititaliap innersuussutigaa, aqutsisuni ataatsimiititaliat taamaallaat siulersuisuni ilaasortanik ilaasortaqaassasut, kiisalu aqutsisuni ataatsimiititaliani ilaasortat amerlanerpaartai attuumassuteqanngitsuussasut.</p>	Aningaaserivimmi aqutsisuni ataatsimiititaliat aningaaserivimmi siulersuisuni	Inassuteqartarnermut ataatsimiititaliami kiisalu akissarsiaqartitsineranut ataatsimiititaliami	Inassuteqartarnermut ataatsimiititaliap aamma akissarsiaqartitsineranut ataatsimiititaliap	

Innersuussut	Ingerlatseqatigiiffiup <u>malippaa</u>		Ingerlatseqatigiiffiup <u>nassuiarppaa</u> ¹	
			<i>sooq</i>	<i>Qanoq</i>
	ilaasortanit taamallaat ilaasortaaffigineqarput.	amerlanerpaat attuumassuteqanngitsuunngilla t.	inassuteqaatigisartagai siulersuisunut inassutigineqartarput, siulersuisuni amerlanerpaat attuumassuteqanngitsuupput. Aalajangiiniarneq imaqarniliamut ilanngunneqartarpoq. Nalilerneqarnikuuvoq siulersuisuni siulittaasoq aamma siulittaasup tullia ataatsimiitaliani peqataassasut pingaaruteqartoq.	
<p>3.4.3. Ataatsimiititaliap innersuussutigaa, siulersuisut kukknersuinermit ataatsimiititaliamik pilersitsissasut kiisalu kukknersuinermit ataatsimiititaliami siulittaasumik, siulersuisuni siulittaasuunngitsumik toqqaassasut. Ataatsimiititaliap innersuussutigaa, kukknersuinermit ataatsimiititaliap suliassat inatsisini aalajangersarneqartut saniatigut siulersuisunut tulliuuttunik ikiuutaasassasoq:</p> <ul style="list-style-type: none"> • aningaasaqarnikkut paasissutissat saqqummiunneqartut ilumuussusaannik nakkutiginninneq, matuma ataani immikkoortuni pingaaruteqarnerpaani naatsorsuisarnermi suleriaaseq, naatsorsuinermi missingiutit pingaarutillit kiisalu illua-tungiusunut qanigisanut nuussinerit, • illup iluani immikkoortunik nakkutiginninnermik aarlerinaatilinnillu misissuineq, tamatumani qulakkearniarlugu aarlerinaatit annerpaat aqunneqarnissaat, matuma ataani aamma naatsorsuutitut saqqummiunneqartunut atatillugu, 	Kukknersuinermit ataatsimiititaliap suliassat taaneqartut tamaasa eqqortippai. Tamatuma saniatigut aningaaseriviup whistleblower pillugu aqqissuussinera kukknersuinermit ataatsimiititaliami siulittaasumut aalajangersarneqarpoq.	Aningaaserivimmi kukknersuinermit ataatsimiititaliami siulittaasoq siulersuisuni siulittaasuvoq.	Atajuarsinnaanermik tungavik kiisalu aqutsinermi aqqissuussinerup ajornaatsup paariinnarnissaanik kissaateqarneq tamatumani pingaartinneqarput.	

Innersuussut	Ingerlatseqatigiiffiup <u>malippaa</u>		Ingerlatseqatigiiffiup <u>nassuiarpaa</u> ¹	
			<i>sooq</i>	<i>Qanoq</i>
<ul style="list-style-type: none"> • illup iluani kukkunersiuinissamut pisariaqartitsinermik naliliineq, • ileqquusumik ataatsimeersuarnermi kukkunersuiusumik toqqarneqartumik naliliineq, • ileqquusumik ataatsimeersuarnermi kukkunersuiusup toqqarneqartup kukkunersuinermit akissarsiassaanik misissuineq, • sullissinernik kukkunersuinermit attuumassuteqanngitsunik killissaannik ileqquusumik ataatsimeersuarnermi kukkunersuiusumit suliarineqartunik nakkutiginninneq, aamma • ileqquusumik ataatsimeersuarnermi kukkunersuiusup toqqarneqarsimasup aamma siulersuisut akornanni akuttunngitsumik oqaloqatigiinnermik qulakkeerinninneq, ilaatigut qullersaqarfiup peqataaffiginnigisaanik siulersuisut kiisalu kukkunersuinermit ataatsimiititaliap minnerpaamik ukiumut ataasiarlutik kukkunersuiusumik ataatsimeeqateqartarnerisigut. <p>Siulersuisut kukkunersuinermit ataatsimiititaliap inassuteqarnera tunngavigalugu illup iluani kukkunersuinermit suliaqartussamik pilersitsinissaq aalajangerpassuk, kukkunersuinermit ataatsimiititaliap suliassaraa:</p> <ul style="list-style-type: none"> • suliassat nassuiarnerannik suliaqarnissaq kiisalu illup iluani kukkunersuinermit aqutsisumik toqqaanissamut, atorfinitsitsinissamut soraarsitsinissamullu innersuussutit kiisalu immikkoortumut missingersuutit, • illup iluani kukkunersuiusup suliassaminik naammassinninnissamut iluaqtissai piginnaasaalu naammaginarsut pillugit nakkutiginninneq, aamma 				

Innersuussut

**Ingerlatseqatigiiffiup
malippaa**

Ingerlatseqatigiiffiup nassuiarpaa¹

sooq

Qanoq

<ul style="list-style-type: none"> • illup iluani kukkunersuisup inerniliinerinik innersuussutaanillu qullersaqarfiup malittareqqiineranik nakkutiginninneq. 			
<p>3.4.4. Ataatsimiititaliap innersuussutigaa, siulersuisut inassuteqartarnermut ataatsimiititaliamik pilersitsissasut, minnerpaamik tulliuttunik piareersaatinik suliassaqtunik:</p> <ul style="list-style-type: none"> • siulersuisuni qullersaqarfimmilu atorfimmu piginnaasanik piumasaqaataasunik nassuiaaneq, siulersuisuni atorfinnut assigiinngitsunut piffissap atorpeqartussap missingersornera kiisalu aqutsisuni taakkunani marlunni piginnaasat, ilisimasat misilittakkallu pigisat/pigisariaqakkat, • siulersuisut qullersaqarfiullu aaqqissugaanerani, annertussusaanik, katitigaanerani angusaanillu ukiumoortumik naliliersuineq kiisalu allannguutaasinnaasut pillugit siulersuisunut innersuussutinik suliaqarneq, • siulittaasoq suleqatigalugu siulersuisunik ukiumoortumik naliliinermik kiisalu aqutsisuni ilaasortat ataasiakkaat piginnaasaannik, ilisimasaannik, misilittagaannik tulleriinnerannik naliliinermik suliaqarneq, taakkulu pillugit siulersuisunut nalunaarusiorneq, • siulersuisunut qullersaqarfimmilu ilaasortanik nutaanik sulilersitsiniarnermik kiisalu piukkunnaatilinnik siulersuisut akuersinissaannut inassuteqarnermik suliaqarneq, • qullersaqarfimmu tulleriinnermik pilersaarummik peqarnissaanik qulakkeerinninneq, • sulisunik aqutsisunik atorfinitsitsinermut qullersaqarfiup politikianik nakkutiginninneq, aamma 	<p>Inassuteqartarnermut ataatsimiititaliap suliassat qulaani taaneqartut naammassivai.</p>		

Innersuussut	Ingerlatseqatigiiffiup <u>malippaa</u>		Ingerlatseqatigiiffiup <u>nassuiarpaa</u> ¹	
			<i>sooq</i>	<i>Qanoq</i>
<ul style="list-style-type: none"> • assigiinngisitaarnermut politikkimik siulersuisuni akuersissutigineqartussamik suliaqartoqarnissaanik nakkutiginninneq. 				
<p>3.4.5. Ataatsimiititaliap innersuussutigaa, siulersuisut akissarsisitsisarnermut ataatsimiititaliamik pilersitsissasut, minnerpaamik tulliuuttunik piareersaatilik suliaqartunik:</p> <ul style="list-style-type: none"> • akissarsisitsisarnermut politikkimut missingiummik, ileqquusumik ataatsimeersuarnermi akuersissutigineqarnissaanut innersuussutiginnissaa sioqqullugu, siulersuisut akuersissutigisassaannik suliaqarneq, • qullersaqarfimmi ilaasortat akissarsiassai pillugit siulersuisunut saqqummiussassamik siunnersuuteqarneq, • siulersuisunut ilaasortat akissarsiassaat pillugit, ileqquusumik ataatsimeersuarnermi inassutigineqartussatut saqqummiussassamik siunnersuuteqarneq, • aqutsisut akissarsiai ingerlatseqatigiiffiup akissarsisitsisarnermut politikikianik eqquutsitsinersut qulakkeerinninneq aamma ataasiakkaat sulinerannik naliliineq, aamma • ukiumoortumik akissarsisitsisarneq pillugu nalunaarusiamik ileqquusumik ataatsimeersuarnermi taasisutigineqarnissaanut inassuteqarnissamut sioqqullugu siulersuisut akuerisassaannik suliaqarnermi ikiuutaaneq. 	<p>Akissarsisitsisarnermik ataatsimiititaliap suliaqsat taaneqartut tamaasa naammassivai.</p>			
3.5. Siulersuisunik qullersaqarfimmillu naliliineq				
<p>3.5.1. Ataatsimiititaliap innersuussutigaa, siulersuisut ukiumoortumik siulersuisunik naliliinermik naammassinnittassasut, minnerpaamillu ukiut pingasukkaarlugit naliliinermi avataanit ikiortimik peqataatitsissasasut. Ataatsimiititaliap innersuussutigaa, naliliinermi</p>	<p>Ukiumoortumik siulersuisut piginnaasaat, inuttut ataasiakkaatut ataatsimullu nalilerneqartarput. Tamatuma saniatigut ukiut tamaasa</p>			

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
<p>siulersuisut sulinerat, naammassisaqassusaat, katitiganerat aaqqissugaanerallu pillugit innersuussutit ukkatarineqartassasut, tak. Innersuussutit qulaaniittut 3.1.-3.4., minnerpaamillu sammisat tulliuuttut imarisuaannassagai:</p> <ul style="list-style-type: none"> • siulersuisut katitigaanerat, piginnaasat assigiinngisitaarnerlu ukkataralugit, • siulersuisut ilaasortallu ataasiakkaat tapiineri angusaallu, • siulersuisuni suleqatigiinneq kiisalu siulersuisut qullersaqarfiullu akornanni suleqatigiinneq, • siulittaasup siulersuisuni aqutsinera, • ataatsimiititaliat aaqqissugaanerat aamma ataatsimiititaliani sulineq, • siulersuisuni sulinerup aaqqissugaanera kiisalu siulersuisuni atortussat pitsaassusaat, aamma • siulersuisuni ilaasortat ataatsimiinnernut piareersartarnerat kiisalu ataatsimiinnernut peqataasarnerat. 	<p>siulersuisunut oqaaseqaammik saqqummiussisoqartarpoq, tassani siulersuisut sulinerisa annertussusaat nassuiarneqartarluni. Minnerpaamik ukiut pingasukkaarlugit naliliinermi avataanit ikiortimik peqataatitsisoqartarpoq.</p>		
<p>3.5.2. Ataatsimiititaliap innersuussutigaa, siulersuisut tamarmiusut siulersuisunik naliliinerup inernerinik oqallisiginnissasut, aamma naliliinerup ingerlanera kiisalu naliliinermi inerniliinerit pingaarnernerit aqutsisut nalunaarutaanni eqqartorneqassasut, ingerlatseqatigiiffiup nittartagaani kiisalu ingerlatseqatigiiffiup ileqquusumik ataatsimeersuarnerani.</p>	<p>Siulersuisunik naliliinermi inernerusoq aningaaserivimmi aqutsisut nalunaarutaanni ersippoq.</p>		
<p>3.5.3. Ataatsimiititaliap innersuussutigaa, siulersuisut minnerpaamik ukiumut ataasiarlutik, tunngaviit aalajangeriikkat malillugit qullersaqarfiup sulineranik angusaanillu naliliisassasut, kiisalu siulittaasup taakku qullersaqarfik peqatigalugu misissortassagai. Ilanngullugu siulersuisut ingerlaavartumik nalilersortassavaat qullersaqarfiup aaqqissuussaanerani katitigaanerani</p>	<p>Qullersaqarfiup sulinera ukiumoortumik nalilersorneqartarpoq.</p>		

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
allannguisoqarnissaanut pisariaqartitsisoqarnersoq, matuma ataani assigiinngisitaarneq, tulleriinnermut pilersaarutit kiisalu aarlerinaatit ingerlatseqatigiiffiup periusissiaa eqqarsaatigalugit.			
4. Aqutsisut akissarsiaat			
4.1. Siulersuisunut qullersaqarfimmullu akissarsiarititat			
4.1.1. Ataatsimiititaliap innersuussutigaa , siulersuisut qullersaqarfiup akissarsiai kiisalu atorfininnermi atugassarititaasut allat unammillersinnaassuseqassasut aamma ingerlatseqatigiiffiup siunissaq ungasinnerusoq eqqarsaatigalugu aktiaatillit soqutigisaannut atassuserneqarsinnaassasut.	Aningaaseriviup akissarsitsisarneq pillugu politikkaa unammillersinnaassuseqartoq kiisalu siunissaq ungasinnerusoq eqqarsaatigalugu aktiaatillit soqutigisaannut tapersersuisoq nalilerneqarpoq.		
4.1.2. Ataatsimiititaliap innersuussutigaa , suliniutit pilersaarutaasut aktianik tunngaveqartut nusussissutaaqqissinnaassasut, t.i. piffissakkaartumik tunniussiffiusarlutik, pingaartumillu siunissaq ungasinnerusoq eqqarsaatigalugu minnerpaamik ukiuni pingasuni katersuisinnaaffiullutik ineriartorsinnaallutillu.	Nalilerneqarpoq, aningaaseriviup akissarsitsisarneq pillugu aaqqiussinermi aningaaserinermik suliffeqarfinnut malittarisassanik atuuttunik eqqortitsisoq.		
4.1.3. Ataatsimiititaliap innersuussutigaa , akissarsiat nikerartut piffissami tunniussinermi killeqartinneqassasut, kiisalu piffissami atuiffiusumi pisinnaasut pitsaanngitsut, naatsorsuutigisat kiisalu pitsaasut ataanni naliusinnaasoq pillugu erseqqarittoqassasoq.	Nalilerneqarpoq, aningaaseriviup akissarsitsisarneq pillugu aaqqiissutai ersarissuusut		

Innersuussut	Ingerlatseqatigiiffiup <u>malippaa</u>		Ingerlatseqatigiiffiup <u>nassuiarpaa</u> ¹	
			<i>sooq</i>	<i>Qanoq</i>
	tungavilersorluakkamillu nassuiagaallutik.			
4.1.4. Ataatsimiititaliap innersuussutigaa , qullersaqarfimmi ilaasortap soraarnerani piffissami soraarfimmi akissarsiat katillugit nalingat, soraarnermi pissarsiasat ilanngullugit, ukiuni marlunni akissarsiat, akissarsiani immikkoortut tamaasa ilanngullugit qaangissanngikkai.		Innersuussutip soraarsitsinermut kalerriinerup ilanngunneqarluni allanngortinneqarnera sioqqullugu pisortaq isumaqatigiissuteqarfigineqarni kuuvoq.	Atorfeqarnerup naanerani pisortaq soraarpat, soraarnermi pissarsiasat annertunerpaamik qaammatini 13,25-ni akissarsiat annertussuserissavaat. Pisortaq siusinnerusukkut soraarpat, soraarnermi pissarsiasat qaammatini 0-24-ni akissarsiaasinnaapput, tamatumanilu qamamatini 12-ini soraarsitsinermi kalerriisoqareerluni, taamaattumik aningaaseriviup pisut ilaanni maannakkut innersuussutaasoq malissanngilaa.	
4.1.5. Ataatsimiititaliap innersuussutigaa , siulersuisunut ilaasortat aktianik piseqqaartussaataitanernik aktiaseqqaartussaataitanernillu akilerneqassanngitsut.	Siulersuisuni ilaasortat aalajangersimasumik akissarsiaqartinneqarput.			
4.1.6. Ataatsimiititaliap innersuussutigaa , ingerlatseqatigiiffik periarfissaqassasoq qullersaqarfimmut aamma siulersuisunut akissarsiat nikerartut tamakkiisumik imaluunniit ilaannakortumik uterteqqunissaanut, akissarsiat paasissutissat, kingornatigut kukkusutut paasineqartut tungavigalugit tunniunneqarsimasut, katersorneqarsimasut imaluunniit akilerneqarsimasut, imaluunniit tiguisoq pissutsit allat, akissarsianik nikerartunik amerlavallaanik	Nalilerneqarpoq, aningaaseriviup akissarsisisarneq pillugu aaqqissuussineri aningaaserinermik suliffeqarfinnut			

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
tunniussinermik kinguneqarsimasumik eqqunngitsumik ilisimasaqarsimappat.	malittarisassanik atuuttunik eqqortitsisoq.		
5. Aarlerinaatinik aqutsineq			
5.1. Aarlerinaatinik paasinnineq aamma paasissutissat allat attuumassuteqartut pillugit ammasuuneq			
5.1.1. Ataatsimiititaliap innersuussutigaa , siulersuisut ingerlatseqatigiiffiup periusissiaa aamma niuernermit ilusiliaa aallaavigalugu aarlerinaatit assersuutigalugu pilersaarusiornermut, niuernermut, naatsorsuuserinerimut aamma aningaasaateqarnermut tunngasut pillugit isummertassasut. Ingerlatseqatigiiffiup aqutsisut nalunaarutaanni tamakku kiisalu ingerlatseqatigiiffiup aarlerinaatinik aqutsineq nassuiartariaqarpai.	Siulersuisut ukiut tamaasa aningaaserivimmi aarlerinaatit tamaasa kiisalu immikkoortuni ataasiakkaat pingaarutillit nalilertarpaat. Taakku pillugit aningaaseriviup ukiumoortumik naatsorsuutaani nassuiaasoqarpoq.		
5.1.2. Ataatsimiititaliap innersuussutigaa , siulersuisut whistleblower pillugu aaqqiisummik pilersitsissasut, sulisunut allanullu soqutigisalinnut unioqqutitsinerimik ilungersunartunik imaluunniit unioqqutitsinerimik pasillernermit tulluurtumik isertortumillu nalunaaruteqarnissamut periarfissiisumik, kiisalu whistleblower pillugu sulianik taama ittunik isumaginninnissamut suleriaatsimik pilersitsissasut.	Aningaaserivik whistleblower pillugu aaqqiisummik pilersitsinikuuvoq, tassani sulisut unioqqutitsinerit ilungersunartut imaluunniit pasitsaassaqarneq pillugu nalunaaruteqarnissamut periarfissaqarput.		

UN Global Compact malittarisassallu allat pillugit nassuiaat

Innersuussut	Ingerlatseqatigiiffiup malippaa	Ingerlatseqatigiiffiup malinngilaa	Innersuussut ingerlatseqatigiiffiup malippaa /malinngilaa tullittooq tunngavigalugu:
UN Global Compact ileqqorissaarnermut 10-nik tunngaveqarpoq	X		2013-imi GrønlandsBANKEN UN Global Compact-imut ilannguppoq. Ukiut tamaasa ukiup aallartinnerani aningaaseriviup nittartagaani nalunaarusiamik saqqummiisoqartarpoq.
Finansråd-ip aqutsinermut malittarisassai	X		Finansråd-ip aqutsinermut malittarisassaanut atatillugu immikkut nalunaarusiortoqartarlunilu saqqummiussisoqartarpoq.
Aktivimik piginnittuunermut innersuussutit		X	Siulersuisut Aktivimik piginnittuunermut innersuussutinut pitsaasumik isummerput kisiannili nalilerlugu maannakkuugallartoq taakku GrønlandsBANKEN-imut attuumassuteqanngitsutut, tassani aningaaserivik børsimi nalunaarsugaasunik aktianik pigisaqannginnera, soorlu GrønlandsBANKEN aningaasanik ingerlatsisutut immikkut ittumik sullitanut isumaqatigiissuteqanngimmat, aningaaserivik aktivimik piginnittuunermik suliaqassasoq, assersuutigalugu børsimi nalunaarsugaasunik aktianik aningaasaliinernut atatillugu taasisinnaatitaanermik atuinikkut.